

17. maj 2022

**Qanoq iliorluni illoqarfigisaaq qimallugu erniartortatut ilaqutaalu pitsaanerpaamik sullinneqarsinnaansut pillugit apeqquteqaat aallaavigalugu oqallisissiaq.**

(Inatsisartunut ilaasortaaq Mikivsuk Thomassen, Inuit Ataqatigiit)

Siumumiit qujaffigerusupparput oqallisissiamik siunnersuuteqartoq.

Illoqarfigisaaq qimallugu erniartortartut ilaqutaalu pitsaanerpaamik sullinneqassappata qanoq iliussanersugut aperineqarpugut.

Naalakkersuisup akissuteqaatimini Nunatsinni meeqqat toqusartut ikiliartortinneqarsimanerat aallaavigalugu sammivilersuivoq. Taamatut sammivilersuina Siumumiit isumaqatigivarput qulequtsiunneqartup erniartortartut ilaqutaalu immikkut eqqaaneqaraluartut.

Siumumiit isumaqarpugut meeraq inunngortussaaq erninissamut tunngasunik aqqissuussinermi siulliusariaqartoq.

Erninerit tamarmik, kikkunnut tamanut ajortoqarani ingerlasaraluarpat ullumikkut sammisaqarpup oqallisigisariaqarsimangikkunaraluarparput. Inuunerli taamatut ingerlajuaannangilaq aamma aallaqqaataanit.

Taamaattumik meeqqap arnaatalu pisariaqalersillugu piaartumik ikiorseriataarsinnaanissaa pingaarnepaavoq, uani piaartumik isumaqanngilaq pisinnaalersoqarpat, aqqutissaqalerpat, angallatissaqarutta uani pineqarpoq erngerluni sekondtit arlaqanngitsut ingerlanerani ajortoqarsinnaanerani takunnissinnaanngorsimasut ilinniarsimanertik aallaavigalugu meeqqat anaanaasullu sanianiissapput, tassa!

- Suliassaminnik ilinniarsimasut amigaatigineqassanngillat
- Atortussat amigaatigineqassanngillat
- Nutartigassaappatalu nutarterneqassapput

Oqallisissiamili tunngavilersuut Siumumiit ilisarilluarsinnaavarput. Ilaqutariinnguannngortussat imaluunnit ilaqutariit amerliallassamaartut ullumikkut illoqarfigisaaq nunaqarfigisarluunnit qimallugu aallarnerup malitsigisartagai pitsaanngitsut minnerpaaffigisinnaasaat nassaarisariaqarneri pitsaanerusumillu sullisiuaannarnissap ujartorneqartarnera qujarutigivarput.

Taamaalisooqassappat naleqqussarneq pinngitsoorsinnaanngilarput ersarissumillu sinaakkusiinissaaq inuunerup taamaattup killiffiani suut angajoqqaanngortussanut minnerunngitsumillu meerannguup inunngortussap ajunnginnerpaamik aallartilluarnissaat qulakkiissagutsigu.



Siumumiit isumaqarpugut taamaaliussagutta ammasumik killiffiup eqqartornissaa piffissaasoq, sunngitsuusaarluta allanngoriartorneq akueriinnarnagu allanngoriartorfimmi qanoq iliussanerluta eqqartorlugu.

Hans Peter Poulsen, Siumut